

ԱՆԳՎԻԱԿԱՆ ՄԻՍԻՈՆԵՐՆԵՐԻ ԳՈՐԾՈՒՆԵՈՒԹՅՈՒՆԸ ԱՐԵՎՄՏՅԱՆ ՀԱՅԱՍՏԱՆՈՒՄ

(1880-ական թթ. առաջին կես)

Մեծ Բրիտանիան իր զավթողական քաղաքականության պլանները իրագործելիս առանձնահատուկ ուշադրություն է հատկացրել միսիոներական ընկերությունների գործունեությանը։ Բրիտանիայի կառավարող շրջանները միսիոներներին համարում էին իրենց քաղաքականության զաղափարների և մշակույթի տարածողները¹։ Միսիոներներին օգտագործելը հնարավորություն էր տալիս թափանցել աշխարհի տարբեր անկյուններ, ստեղծել ազդեցության նորանոր շրջաններ՝ ամրապնդելով Բրիտանիայի դիրքերը զաղութներում²։

Գեոռգ XVIII դարի վերջին և XIX դարի սկզբներին Անգլիայում հիմնվեցին բազմաթիվ միսիոներական ընկերություններ։ Դրանցից առաջինը 1804 թ. Լոնդոնում ստեղծված Բրիտանական աստվածաշնչային ընկերությունն էր, որն իր գործունեությունը սկսեց ծավալել Մերձավոր Արևելքում՝ այնտեղ ուղարկելով շրջիկ զբաղաճառներ՝ տեղի բնակչության մեջ քրիստոնեություն տարածելու նպատակով³։ Այս ընկերությունից բացի XIX դարի սկզբներին ստեղծված անգլիկանական եկեղեցու միսիոներական ընկերությունը Օսմանյան կայսրություն էր ուղարկում իր միսիոներներին, որոնք զբաղված էին ոչ միայն խաղաղ քարոզներով, այլև ակտիվորեն միջամտում էին Թուրքիայի ներքին գործերին⁴։ Միևնույն ժամանակ քրիստոնեական հասարակությունները (համայնքները—Ա. Ս.) Թուրքիոյ մեջ կկառավարվին հատուկ ներքին կանոնադրություններով, որոնք օսմանյան կառավարությանն պաշտոնապես հաստատված չեն⁵։ Օտարերկրյա դեսպանների, հատկապես Կ. Պուլսի անգլիական դեսպանի պահանջով սուլթանը որոշակի արտոնություններ էր շնորհում քրիստոնեական միսիոներներին իր կայսրության տարածքում աղատ գործելու համար⁶։ Դա հնարավորություն էր տալիս միսիոներներին Արևմտյան Հայաստանը դարձնել իրենց գործունեության ասպարեզ⁷։ Արդեն 1878 թ. Հռոմի և Լոնդոնի XIII պապը, հայերի միջավայրում կաթոլիկության տարածումը ավելի ուժեղացնելու համար, վատիկանում հիմնում է հայկական հանձնաժողով⁸։ Կաթոլիկ միսիոներները համոզում էին հայերին, որ հարելով կաթոլիկությանը նրանք ավելի ապահով վիճակում կլինեն Թուրքիայում, կօգտվեն քաղաքական արտոնություններից⁹։ Յրանսիան, որը կաթոլիկ միսիոներների ամենազորեղ պաշտպանն էր, ճնշում գործադրեց սուլթանի վրա՝ պահանջելով կաթոլիկ համայնքների ազատ գոյությունը Թուրքիայում¹⁰։ 1831 թ. սուլթանը հայ կաթոլիկ համայնքներին ինքնուրույն գոյության իրավունք է տալիս¹¹։ Կաթոլիկությունը տարածվում է նաև ռուսահայու-

¹ Мустафа ал Халиди, Омар Фарух. Миссионеры и империализм в арабских странах. М., 1961, с. 41, 89.

² X. Ф. Б. Лянч. Армения. Путевые очерки и этюды. Т. II. Тифлис, 1910, с. 556—590; Կ. Պարիկյան. Հայկական հարցը Արևելյան հարցի մեջ (1860—1880). Պեյրուք, 1962, էջ 151, 211—212.

³ Мустафа ал Халиди, Омар Фарух. Указ. соч., с. 101.

⁴ Մաղաքիա արք. Օրմանյան. Հայոց եկեղեցին և իր պատմությունը, վարդապետությունը, վարչությունը, բարեկարգությունը, արարողությունը, զրականությունը և ներկա կացությունը. Կ. Պոլիս, 1911, էջ 237.

⁵ Мустафа ал Халиди, Омар Фарух. Указ. соч., с. 90, 98, 99. Ա. Ալպոյաճյան. Պատմություն Եվդոկիոյ հայոց. Գահիրե, 1952, էջ 833.

⁶ Մ. Օրմանյան. Ազգապատում. մասն երրորդ, Երուսաղեմ, 1927, էջ 4612.

⁷ ЦГИА СССР в Ленинграде (այսուհետև՝ ЦГИАЛ СССР), ф. 821, оп. 125, д. 150-1, л. 84—102; Մ. Օրմանյան. Հայոց եկեղեցին..., էջ 116—118.

ցով ուժեղացնել Մեծ Բրիտանիայի ազդեցությունը Թուրքահայերի շրջանում¹⁴։ ՀՀԻՆ հայկական եկեղեցու բարեկարգումը ներմուծող ընկերությանն նպատակի իրականացումը ջլատ երկար ժամանակ չէր պահանջի՝ այդպիսի կարծիքի էր հանգում կանոնիկոս Գրիգորիմը Փոքր Ասիա կատարած իր ճանապարհորդության մասին գրած հաշվետվության մեջ։ Նա եզրակացնում է. «...եթե բարեկարգումը պետք է ներմուծվի հայերի միջոցով և նրանց ազգային ոգով... ապա 25 տարվա ընթացքում բարեկարգումը կտարածվի ամբողջ ժողովրդի վրա, այդպիսով, նա նորից կմիավորի բոլոր հայերին միասնական, հնադարյան բարեկարգ եկեղեցու մեջ»¹⁵։

Անգլիական տիրող շրջանների այս նախաձեռնությունը նախ բացատրվում է այն հանգամանքով, որ հայերը, ծանր դրության մեջ լինելով Թուրքիայում, իրենց հույսը չէին կըտրել ազատագրվելու օսմանյան լծից և իրենց փրկությունը կապում էին գերազանցապես Ռուսաստանի հետ, սակայն անտարբեր էլ չէին եվրոպական կրկրների «օգնության» չանդան։ Անգլիական միսիոներական ընկերության գործունեությանը նպաստում էր Թուրքական կառավարողների անտարբերությունը վիլայեթներում ապրող բնակչության նկատմամբ և իր քաղաքական նպատակները հետապնդող անգլիական մամուլի «հայանպաստ» պրոպագանդան։

«Ընկերության» առաջին պաշտոնական ներկայացուցիչը Թուրքիայում կանոնիկոս Տրիստան էր, որն իր քարոզները կարդում էր Այնթափում¹⁶։ «Ընկերության» նախագահ Քենթրեբրիի արքեպիսկոպոսը և Ջիբրալթարի արքեպիսկոպոսը, որին ենթարկվում էին անգլիական բողոքական բոլոր համայնքները Արևելքում, Կոստանդնուպոլսում իրենց անմիջական գործակալ նշանակեցին պատուիր Կոլտիսին։ Բացի այդ, ամեն տարի Կոստանդնուպոլիս էր այցելում «Ընկերության» ներկայացուցիչը՝ հայ եկեղեցու բարձրագույն ներկայացուցիչներից անձամբ տեղեկություններ ստանալու համար, նրանց հետ քննարկելու կրոնական հարցերը, աշխատելով համոզել հայերին համաձայնության գալ բողոքական եկեղեցիների հետ։ Միաժամանակ փորձում էին ապացուցել, որ այդ եկեղեցիների տարբերությունը հիմնականում ոչ թե դոգմաների, այլ ծիսակատարությունների մեջ է։ Սակայն բանակցությունները ոչ մի արդյունք չտվեցին¹⁷։

Գրանից հետո «Ընկերությունն» անցնում է մասնավոր նախաձեռնության։ Փոքր Ասիայի մեծամթիվ հայ բնակչությունն ունեցող մի շարք քաղաքներում հիմնում են Սուրբ Գրիգորի եկեղեցիներ։ Օգտագործելով Գրիգոր Լուսավորչի անունը ջանում էին դրանով իսկ ազդել հայերի կրոնական զգացմունքների վրա։ Թեև միսիոներների դիրքերը քաղաքականապես ամրապնդվելու նպատակով անգլիական դեսպանատունը այդ եկեղեցիների գույքը, հողատարածությունները և գործակալներին վերցնում է իր հովանավորության տակ, այնուամենայնիվ հայերին հնուր շվանելու համար «Ընկերությունն» աշխատում էր ձեռք բերել էջմիածնի կաթողիկոսարանի դաշնակցությունը։ Ամենայն հավանականությամբ 1883 թ. Քենթրեբրիի արքեպիսկոպոսի կարգադրությամբ Օքսֆորդի համալսարանի պրոֆեսոր Ադգելլոն Ռայլայը, որպես արքեպիսկոպոսի պատվիրակ, գալիս է Արևմտյան Հայաստան ոչ միայն ծանոթանալու սբրդերի և պարսիկների մեջ ապրող քրիստոնյաներին, նրանց դրությանը, կարիքներին, այլև նպատակ ունենալով այցելել էջմիածնի կաթողիկոսին՝ արքեպիսկոպոսի նամակը նրան հանձնելու համար։ Նամակ-ուղերձում խոսելով հայ եկեղեցու մասին՝ Քենթրեբրիի արքեպիսկոպոսը վերջում ցանկություն է հայտնում, որպեսզի քրիստոնեական բոլոր եկեղեցիները «...միմյանց ջաղկապված լինեն միասնության ու սիրո հանգույցներով և կատարելագործված լինեն հավատով», իսկ «Ընկերության» նպատակն է «հայկական եկեղեցում հայերի ազգային բարեկարգումը ներմուծել, կրկին համախմբել նրանց (հայերին—Ա. Ս.) միասնական հնադարյան եկեղեցիով...»։ Քենթրեբրիի արքեպիսկոպոսի պատվիրակին պատասխան-նամակ է

¹⁴ ЦГИАЛ СССР, ф. 821, оп. 138, д. 82, л. 18, 19—20. 'Իսկես 1866 թ. ռուսական ներկայացուցչի հետ զրույցի ժամանակ Քենթրեբրիի համալսարանի պրոֆեսոր Վիլյամսը, պատմելով իր տպավորությունների մասին Թուրքիայի արևելյան վիլայեթներ կատարած ճանապարհորդությունից, նշում է, որ երազում է «...անգլիական եկեղեցու հաղորդակցությունը արևելյան եկեղեցիներից մեկի հետ» (ЦГИАЛ СССР, ф. 821, оп. 138, д. 82, л. 13—14)։

¹⁵ ЦГИАЛ СССР, ф. 821, оп. 138, д. 82, л. 17, д. 170, л. 27.

¹⁶ ЦГИАЛ СССР, ф. 821, оп. 138, д. 82, л. 27.

¹⁷ Նույն տեղում, թ. 33։

հանձնում էլ միաժամին արբելսկոպոսը¹⁸, շնորհակալություն հայտնելով անգլիականական եկեղեցիների առաջնորդին հայերի նկատմամբ այդպիսի ուշադրության համար և քաղաքավարության մեթոդում Ռայյայի առաջարկը, էլ միաժամին իր առաքելությունը ավարտելով, պրոֆ. Ռայյայը այցելում է Թուրքիայի և Պարսկաստանի հայաշատ վայրերը, նա փորձում է տեղի հայությանը համոզել, որ հայկական և անգլիականական եկեղեցիների միեւ ռ ժ ի տարբերություն չկա: Եվ, ինչպես մյուս անգլիական միսիոներները, ձգտում է ապացուցել անգլիականական եկեղեցու առավելությունը հայ լուսավորչական եկեղեցու նկատմամբ, քանի որ վերջինս, պատկանելով հզոր պետության, կարող է իր օգնությունը և հովանավորությունը ցույց տալ բոլոր այն ճնշված ժողովուրդներին, որոնք ընդունում են անգլիականական եկեղեցին: Սակայն Ռայյայի խանդավառ հորդորները ոգևորության չընդունվեցին հայերի կողմից¹⁹:

«Նին հայկական եկեղեցու բարեկարգում ներմուծող ընկերությունը՝ շարունակեց ակտիվացնել իր գործունեությունը. ինչպես իրենց ամերիկյան գործընկերները, հայ երիտասարդությանը բողոքական ոգով դաստիարակելու համար հայկական ընկավայրերում դպրոցներ բացեցին²⁰: Անգլիայից դրամական միջոցներ ստանալով²¹, իրենց բացած դպրոցներում նրանք աշխատում էին ուսման վարձը նվազեցնել կամ, ընդհանրապես այն վերացնելով, չբավոր հայ ընտանիքներին հնարավորություն էին տալիս երեխաներին ուղարկել միսիոներական դպրոց: Միաժամանակ, կանգ չառնելով ոչ մի միջոցի առաջ, նրանք փորձում էին ամեն հնարավոր դեպքում սպավորություն գործել տեղի ժողովուրդի վրա: Հատկանշական է, որ անգլիական միսիոներները, և ոչ միայն անգլիական, աշխատում էին եկեղեցական ամեն մի ծիսակատարություն անցկացնել մեծ շուքով, նույնիսկ շքահանդեսներին ընդգրկելով ոչ միայն քրիստոնյաներին, այլև մահմեդականներին²²:

Սակայն անգլիական միսիոներների այդ ջանասիրությանը հայերը այնքան էլ ուշադրություն չէին դարձնում²³, թեպետ միսիոներներին պաշտպան էր կանգնել անգլիական մամուլը, որը մեղադրում էր Ռուսաստանին հակահայկական գործունեության մեջ²⁴: Եվ ինչպես գրում են 1882 թ. դեկտեմբերի 6-ին ռուսական դեսպանատնից արտաքին գործերի մինիստրությանը ուղղված զեկուցագրում, «ընդհանուր առմամբ անգլիական բողոքական պրոպագանդան հայերի շրջանում, հավասարապես և նման կարգի բոլոր միջոցառումները, միայն այն աստիճանի հաջողություն ունեն, որքանով որ իրենց կրոնից հրաժարվող բնակիչները հույս են տածում ձեռք բերել որևէ նյութական կամ քաղաքական օգուտներ: Հայերը լավ են հասկանում, շարունակվում է զեկուցագրում, որ անգլիական կառավարությունը էական համակրանք չի տածում նրանց (հայերի—Ա. Ս.) նկատմամբ և միայն միջոցներ է փնտրում նրանց միջոցով միջամտել Ասիական Թուրքիայի ներքին գործերին և, առանձնապես, նրանց հակադրել մեզ (Ռուսաստանին—Ա. Ս.)»²⁵:

¹⁸ Էլ միաժամին կաթողիկոսական աթոռը այդ ժամանակ թափուր էր, նոր կաթողիկոսը ընտրվեց 1885 թ. հուլիսին (է և ու Չ ո Ր մ ի ս յ ա ն. Համապատկեր տրեմաաւայոց մեկ գաւրու պատմության, Բ, 1878—1908. Պեյրութ, 1974, էջ 45):

¹⁹ ЦГИАЛ СССР, ф. 821, оп. 138, д. 170, л. 25—36.

²⁰ Թուրքիայի հայաշատ վայրերում դպրոցներ էր բացում ամերիկյան միսիոներական «Արտաքին առաքելությունների հանձնաժողովների Ամերիկյան խորհրդի ընկերությունը» (ЦГИАЛ СССР, ф. 821, оп. 138, д. 82, л. 21, 31; Ա. Ա լ պ ո յ ա ճ յ ա ն. Նշվ. աշխ., էջ 843; Է. Ի. Ս. Պ. ի լ յ ո Վ. Импералистическая политика США в отношении Турции (1914—1920 гг.). М., 1960, с. 26—29).

²¹ ЦГИАЛ СССР, ф. 821, оп. 138, д. 82, л. 34.

²² Տրապիզոնի ռուսական հյուպատոսը իր 1882 թ. հոկտեմբերի 25-ի զեկուցագրում նշում է այդպիսի մի փաստ: Նա գրում է, որ միսիոներների կազմակերպած եկեղեցական շրջերթի էլան ծաղկազարդ աշակերտների խմբի առջևից խալը տանում էր Տրապիզոն քաղաքում սուլթան Մուրադի թիկնապահ Ջելալ-բեյի աղջիկը (ЦГИАЛ СССР, ф. 821, оп. 138, д. 98, л. 148—156):

²³ Ընդհանուր առմամբ վերցված հայ բողոքականների թիվը չէր անցնում 20000-ից (ЦГИАЛ СССР, ф. 821, оп. 138, д. 98, л. 148—156):

²⁴ Այդ ուղղությամբ մեծ աղմուկ էին բարձրացնում Կոստանդնուպոլսում հրատարակվող «Extern Express» և Լոնդոնի «Daily News» թերթերը: Նրանք ընկերությանը կոչ էին անում փրկել հայերին Ռուսաստանի ոտնահարումից (Daily News, London, p. 22. 04. 1885):

²⁵ ЦГИАЛ СССР, ф. 821, оп. 138, д. 82, л. 34—35.

1882 թ. հոկտեմբերի 19-ին Ռուսաստանի արտաքին գործերի մինիստրությունը Կոստանդնուպոլսի ռուսական դեսպանատանը հրահանգեց իր գործակալների միջոցով տեղեկություններ հավաքել հայկական շրջաններում միսիոներների գործունեության մասին, նույնատիպ հրահանգ ստացան նաև Պարսկաստանի ռուսական ներկայացուցիչները²⁶։ Ռուսական կառավարությունը միջոցներ էր ձեռք առնում թուլացնելու օտարազգի միսիոներների դիրքերը ոչ միայն թուրքահայության, այլև ռուսահայության միջավայրում²⁷։

Դեռևս 1866 թ. ներքին գործերի մինիստրության հոգևոր գործերի դեպարտամենտից արտաքին գործերի մինիստրությանը ուղղված գրությունում նշված էր, որ «...բողոքական հայկական համայնքի երևան գալը Կովկասում կարող է վերածվել քաղաքական զենքի մեր արևմտյան թշնամիների ձեռքում...»²⁸։ Այդ մասին է ահազանգում նաև «Санкт-Петербургские ведомости» թերթը իր 1882 թ. սեպտեմբերի 17-ի համարում։ Անդրադառնալով անգլիական միսիոներների հակառուսական քարոզներին, թերթը գրում է, որ «այդ պրոպագանդան Արևելքում ուղղակի մեր (Ռուսաստանի—Ա. Ս.) շահերի դեմ է ուղղված»։ Թերթը ռուսական կառավարությունից պահանջում է ետ մղել անգլիական հոգևորականներին և կապիտալիստներին, որոնք ձգտում են Հնդկաստան տանող առևտրական ճանապարհը, ինչպես նաև Պարսկաստանը գցել իրենց ազդեցության տակ։ Միաժամանակ թերթը կոչ է անում սերտորեն համագործակցել արևմտահայերի հետ, ամրապնդել ռուսական ազդեցությունը այդ շրջաններում²⁹։

Հիմք ընդունելով անգլիական (և ոչ միայն անգլիական) միսիոներների հակառուսական դիրքերը՝ Կոստանդնուպոլսի ռուսական դեսպանը արտաքին գործերի մինիստրությանը ուղարկում իր 1882 թ. նոյեմբերի 4 (16)-ի գրությունում³⁰ նշում է Տրապիզոնի հյուպատոսի առաջարկած գործողության միջոցները՝ հայաշատ վայրերում միսիոներների դիրքերը թուլացնելու համար։ Դրանք են. 1) Փոքր Ասիայում գործող ռուսական գործակալները պետք է ամեն կերպ հայերի միջավայրում ուժեղացնեն այն գաղափարի տարածումը, ըստ որի առանց Ռուսաստանի նրանք չեն կարող փրկվել թուրքական լծից։ 2) ուժեղացնել էլ միաժամին կաթողիկոսի ազդեցությունը Անատոլիայի և թուրքահայ այլ շրջաններում։ 3) թուրքահայ երիտասարդներին հնարավորություն տալ սովորելու Կովկասի ուսումնական հաստատություններում։ 4) ռուսական հյուպատոսները տարին մեկ կամ երկու անգամ պետք է այցելեն կաթողիկոսին էջմիածնում՝ դրանով իսկ նպաստեն հայկական երկփեղկված շրջանների միավորմանը։ Թուլացնելով միսիոներների պրոպագանդան հայերի շրջանում։ 5) պետք է նյութապես օգնել հայկական դպրոցներին³¹։ 6) Ռուսաստանից ուսուցիչներ ուղարկել և ուսուցնել լեզուն դասավանդել տեղի հայկական դպրոցներում, իսկ ռուսաց լեզվին տիրապետելը թուրքահայ երիտասարդներին հնարավորություն կտա իրենց ուսումը շարունակել Ռուսաստանում և ոչ թե եվրոպական ուրիշ երկրներում։ Այս բոլոր միջոցառումները իրավունք կտան ռուսական հյուպատոսներին միջամտելու իրենց շրջաններում գտնվող հայկական դպրոցների գործերին։ Այնուհետև Տրապիզոնի հյուպատոս Բելոցերկովցեի եզրակացնում է, որ այս միջոցառումների իրականացումը է՛լ ավելի կամրապնդի ոչ միայն կոլտուրական կապերը, այլև կընդարգանքի առևտրատնտեսական հարաբերությունները արևմտահայության և Ռուսաստանի միջև³²։

Հետագայում Կոստանդնուպոլսի ռուսական դեսպանին միևնույն բովանդակությամբ զեկուցադիր է ուղարկում էրզրումի ռուսական հյուպատոսը։ 1886 թ. դեկտեմբերի 26-ի զե-

26 ЦГИАЛ СССР, ф. 821, оп. 138, д. 82, л. 35, 121.

27 Նույն տեղում, ց. 125, գ. 152-1, թ. 29; ց. 138, գ. 82, 79—84.

28 Նույն տեղում, ց. 140, գ. 59, թ. 84.

29 «Էջակ» թերթը քննադատում է «Санкт-Петербургские ведомости»-ի այս հոդվածը, հոդվածագրին մեղադրելով հայ իրականությանը անիրազեկ լինելու մեջ, Հոդվածագիրը, ըստ «Էջակի» խառնել է հայ բողոքականությունը անգլիկանական եկեղեցուն, այն դեպքում, երբ «Հին հայկական եկեղեցու բարեկարգում ներմուծող ընկերությունը», Ջևան Բրայսի խոսքերով ասած, ցանկանում է «միմիայն բարեփոխել հայոց եկեղեցին և ոչ թե անգլիացնել հայերին» («Էջակ», 20 սեպտեմբերի 1882)։

30 ЦГИАЛ СССР, ф. 821, оп. 138, д. 98, л. 147.

31 Տրապիզոնի ռուսական հյուպատոսի հաշվարկներով միայն Տրապիզոնի հայկական դպրոցներին տարեկան բավական էր 1000 ռուբլի վարկ տալ։

32 ЦГИАЛ СССР, ф. 821, оп. 138, д. 98, л. 151—156.

կուցագրում նշվում է անդու-ամերիկյան միսիոներների ծավալած ակտիվ գործունեության մասին էրզրումի շրջանում³³, որտեղ Մեծ Բրիտանիայի կառավարությունը բողոքական համայնքների միջոցով ցանկանում է անցկացնել իր քաղաքական մեքենայությունները...³⁴, ամեն կերպ հովանավորելով տեղի բողոքական համայնքներին: Սակայն, ինչպես գրում է Հյուպատոսը, հայերի համայնքը Ռուսաստանի կողմն է: Եվ որպեսզի հայերը չհեռանան ռուսական կողմնորոշումից, նա առաջարկում է միջոցներ տրամադրել տեղի հայկական դպրոցներին, որով հնարավորություն կտան, որպեսզի ազդանք (հայկական դպրոցները—Ա. Ս.) կարողանան հաջողությամբ պայքարել անգլո-ամերիկյանի հետ և, վերջապես, կամրապնդվի մեր նկատմամբ հայ-լուսավորչական ժողովրդի համակրանքը փոքրասիական կարևորագույն կենտրոններից մեկում: Միաժամանակ առաջարկվում է ուժեղացնել էջմիածնի ազդեցությունը³⁵:

Էրզրումի Հյուպատոսն իր զեկուցագրում խնդրում է Կոստանդնուպոլսի ռուսական դեսպանին այդ հարցով դիմել կառավարությանը³⁶: Ռուսական կառավարությունը վճռում է որոշակի գումար ուղարկել այդպիսի հարցերը կարգավորելու համար³⁷: Բացի այս ամենից, Կոստանդնուպոլսի ռուսական դեսպանատունը իր հերթին վստահեցնում է կառավարությանը, որ հայերը ընդդիմանում են կրոնական այդ տարբեր հոսանքներին և շեղահանրապես նրանց (հայերի—Ա. Ս.) շրջանում միշտ պահպանվում է հավատի զգացմունքը մեր (Ռուսաստանի—Ա. Ս.) նկատմամբ: Մեզ մնում է... նրանց աշակցություն ցույց տալ, նրանց օգնությունը իրագործել մեր քաղաքական հեռանկարները, ուր կարող են տեղ գտնել հայերի և՛ նվիրական և՛ հույսերը³⁸: Այնուհետև դեսպանատունը հավաստիացնում է իր կառավարությանը, որ ռուսական կայսրությանը հակադիր կանգնած օտարերկրյա (մասնավորապես անգլիական) միսիոներական ընկերությունների ջանքերը՝ ձեռքառառելու և օտարելու Փոքր Ասիայի հայ բնակչությանը ռուսական կողմնորոշումից, որոշակի արդյունքի չհասան³⁹:

1880-ական թթ. կեսերին անգլիական միսիոներների ակտիվությունը աստիճանաբար սկսեց թուլանալ՝ հանդիպելով հայերի վճռականությանը իրենց կրոնի պահպանման հարցում:

Ընդհանուր առմամբ անգլիական խաչակիր ժամրդորսները⁴⁰ փորձը իրենց կրոնական ցանցապատյանը նետել հայերին, դարձնելով նրանց անգլիական քաղաքականության շահերի կամակատարները՝ Փոքր Ասիայում, ձախողվեց:

Ա. Մ. ՍՈՂՈՄՈՆՅԱՆ

³³ Հատկապես նշում է Խարբերդ քաղաքը, որը դարձել է միսիոներների համար թիրեց լուսավորական հերոսությունների՝ վայրը (ЦГИАЛ СССР, ф. 821, оп. 140, д. 14, в. III, л. 79):

³⁴ ЦГИАЛ СССР, ф. 821, оп. 140, д. 14, в. III, л. 83.

³⁵ Նույն տեղում, թ. 79, 81, 85—86:

³⁶ ЦГИАЛ СССР, ф. 821, оп. 140, д. 14, в. III, л. 76—78.

³⁷ Նույն տեղում, թ. 87:

³⁸ Նույն տեղում, ց. 138, դ. 82, թ. 34:

³⁹ Նույն տեղում, թ. 35—36:

⁴⁰ «Մեղու Հայաստանի», Թիֆլիս, 1882, № 129—131: Միսիոներներին «ժամրդորսներ» է անվանել Սպանդար Սպանդարյանը «Մեղու Հայաստանի» թերթի վերահիշյալ համարներում՝ ապաված իր առաջնորդող հոգվածներում: